

**Swift**  
CANNED MEAT SPECIALTIES  
Agente: **WIMCO**

# ARUBA ANSE COURANT



**Diario pa**  
KONINKLIJK INSTITUUT  
TAFELAND-DE VONN  
DIABIERNE 20 DI SEPTEMBER 1963



**Aruba**

**KING SIZE COCA-COLA**  
MORE FOR YOU!

**Now for COOLNESS AIRCONDITIONING**  
Tel. 2176  
**ELMAR**

## Indonesia ta duna garantianan na ciudadanonan Ingles

### Relacionnan Diplomatico den peliger

**DJAKARTA, 20 sept. —** Gobierno Indones a declara cu e to garantiso seguridad di e ciudadanonan Ingles na Indonesia. Un declaracion di e palacio presidencial ta bisa, cu gobierno Indones ta deplora e occionnan incorrecto cu a tuma lugar.

Mas accion di violencia lo no worde tolera, pero e gobierno por comprende completamente e rabia di e poblacion contra esnan cu ta forma e inspiracion tras di e formacion di Malaisia.

Asina e declaracion ta bisa. Ademas e gobierno Indones ta muestra den e declaracion cu e accionnan di violencia di atera tabata un contesta riba e sendementu na candela atera di e embahada Indones na Koala Loempoer, violacion di hardera Indones y ofensa di e hefe di estado Indones. E comunicado cu a worde transmiti pa Radio Djakarta, ta anuncia tambe cu gobierno lo percurar pa mas garantia.

E embahador Mericano na Djakarta, Howard Jones, a bisita president Sukarno pa pidie drecha orden na Djakarta, unda atera e embahada Ingles y casnan di ciudadanonan Ingles a worde ataca, saquea y pega na candela pa demostrantenan Indones.

Djes despues di esey a worde publica un declaracion di e cuartel general presidencial den cual ta worde bisa, cu gobierno di Indonesia ta deplora loke a sosode y cu e lo no permiti mas accionnan di violencia.

Den e capital Indones militarnan a tuma vigilancia y proteccion di propiedadnan particular over. Pero oficialmente estado di si lo no a worde proclama.

Aunke cu te atera merdia tabatin gruponan di demostrante ta cana den cayanan di Indonesia, tog no tabatin accionnan di violencia.

Na hopi lugar den e ciudad tabatin restunan di autonan kima, cu tabata pertenece na donjonan Ingles. Na Australia nan tin miedu cu un explosion nobo di violencia lo ta contra propiedadnan di Australianonan den e pais ey.

Aunke cu e minister di industria, vital, a ordena e federacion izquierdista pa no tuma direccion over di empresanan Ingles, e federacionnan parse no ta preocupa cu e orden y nan a nacionaliza y pone tur empresanan bao di direccion di directiva di e federacionnan.

#### Comentario Ingles

E minister Ingles di asuntunan exterior Lord Home a bisa atera noch den un entrevista pa television, cu lo depende completamente di contesta di gobierno Indones riba protestanan Britanico, cu nan lo mantene o no

e relacionnan diplomatico. El a bisa di ta spera, cu nan lo por continua e relacionnan aki.

Lord Home a manda yama e embahador Indones dos biaha pa protesta contra atake riba embahada Ingles na Djakarta. El a exige Indonesia garantia, pa subdionan Ingles y nan propiedadnan na Indonesia, el a bisa e embahador, cu un disculpa solamente no ta basta.

### A.R.A. A ENTREGA PETICION NA B.C.

**ORANJESTAD, 20 sept. —** Despues di tabatin un anochi di informacion pa prensa, radio y interesadonan ultimamente den Best-Rudi Hotel, e directiva di Aruba Racing Association a entrega ayera tardi nan peticion y statutan na Bestuurcollege di Aruba. E peticion ta pa hantia permit pa tene caredanan di auto (drag-race) door di e asociacion aki na Aruba. Segun nos a worde informa pa un vocero di e directiva di A.R.A. nan ta yen di bon speranza pa esaki. Pronto nan ta spera di hantia un contesta ariba e peticion cu nan a haci na B.C.

## „Juanchito Yrausquin Airport” na Saba a keda Inaugura

**THE BOTTOM, 20 sept. —** Desde diarazon Saba tin su propio aeropuerto, esta „Juanchito Yrausquin Airport”, nombra en honor di difunto J. E. Yrausquin. E inauguracion oficial a tuma lugar door di e habrimentu symbolico di e porta cu ta duna entrada pa e edificio pa ministro E. O. Petronio, cu den un discurso cortico prome a recorda cu en relacion cu e proyecto aki hopi trabao a worde hasi pa su antecesor difunto senor J. Yrausquin. Despues di e discurso di e ministro gezaghebber J. J. Beaulon di Isla Ariba a duna un resumen di e efectuacion di e proyecto.

El a gradie na number di e poblacion di Saba pa loeual a ser efectua aki. E gratitud ey no solamente a bai pa gobierno central pero tambe pa e gobierno di Hulanda pa e apoyo financiero den kader di e plan di tres anja. Despues di esey gezaghebber Beau-

jon a invita senjora Yrausquin pa inaugura e plaquette. Riba e plaquette aki e number di difunto ministro Yrausquin ta para y algun dato di e ministro aki cu tabatin asina un gran parti den e efectuacion di e plan di tres anja di Bonaire y Islanan Ariba.

Luego un toast a ser brinda pa diputado Anslin.

Despues di esey a tuma lugar ainda inauguracion oficial di e avion Dornier 28 cu lo bai mantene e coneccion entre e tres islanan St. Maarten, Saba y St. Eustatius. Senjora Beaulon, esposa di ministro di trafico y transportacion a batiza e avion cu e number „Saba”. Senor M. Leventstone na termina a ofrese senjora Yrausquin na number di e poblacion y como recuerdo di e acto solent un obra di kanti di Saba.

E compania a sali despues di e solemnidad aki pa Windwardside, caminda e apertura oficial di e „Guesthouse” restaura a tuma lugar. Pa termina despues di a regresa na The Bottom un buffetlunch a ser ofresi na e huespednan na cas di e administrador Overberg.

E solemnidad di e apertura di e vliegveld a ser asisti pa hopi huesped oficial cu a ser saluda na e administrador Overberg na nan jagada. E avion Dornier 28 di Windward Islands Airlines desde diamars a hasi diferente vuelonan di charter cuba pa transporta e huespednan aki. Tambe representante- nan di islanan den vecindario a presencia e apertura di e aeropuerto.

Cumpra un auto nobo di cualquier marca of modelo serca nos, y bo tin chens pa gana un **OPEL KADET** nobo completamente gratis. Pa mas informacion **ARUBA TRADING COMPANY**

### UN DI ARUBA A PASA EXAMEN PRAKTIJKBOEK-HOUDEN CU EXITO

**ORANJESTAD, 20 sept. —** I e 66 participante di Aruba y Corsow na e examen enal a worde teni na juni ultimo aki. nan, bao auspicio di „Stichting Nederlandse Associatie voor Praktijkexamens”, unicamente 19 tabatin exito. Un di esakinan tabata senjorita A. Arends di Aruba, kende a logra pa su diploma di praktijkboekhouden.

## Contesta Minister Isa na miembro di Staten Kwiers

**ORANJESTAD, 20 sept. —** Dia 10 di september ultimo, miembro di Staten di Antillas senior H. G. H. Pieters Kwiers a munda un carta cu algun preguntanan na gobierno en cuestion en e „accion contra bendedonan di number (catochi)”. E contestanan ariba e tres preguntanan aki a worde duna ultimamente pa ministro di husticia senor R. J. Isa y ta lo siguiente:

Ariba preguntanan 1 y 2: „No ta claro loke e hachido di pregunta kier meen cu „accion contra di e tal bendedonan di number”. Si e kien meen aki e „persigimiento di e violadonan di e leyman di loteria” auto e contesta ariba esaki ta, cu e persigimiento ta tuma lugar segun e reglamentonan di ley door di Ministerio Publico.

En cuestion cu e pregunta kende a tuma e iniciativa pa „persigui e violadonan aki di ley, por worde contesta cu: Gezaghebber di e teritorio insular di Corsow a hala e atencion cu e nulidad di e tal bendedonan di number a bira asina grandi, cu un accion mas severo contra di esaki a worde hantia di ta necesario.

En cuestion cu esey por worde participa tambe, cu a worde informa, cu den un reunion di Nationale Volks Partij e promesa a worde haci na e „bendedonan di number”, cu e lider di e partiida menciona lo pereura cu e „bendedonan di number” por sigui cu nan „empresa” sin hantia estorbo.

Probablemente eurasha door di e promesa ey, e violadonan di ley menciona, a bira asina activo den e ultimo dos lunanan cu e bendedmento di „number”, cu tambe door di esaki tabata necesario pa actua mas severo.

**od pregunta 3**  
(En cuestion cu e pregunta aki esta, si Ministro di Husticia ta cubri e pasonan aki, e contesta tabata) Ministro di Husticia en cuestion no tin nada di cubri, como cu e persigimiento ta tuma lugar segun reglamentonan normal, di ley.

**FATUM — Tel.: 1845**  
pa tur bo aseguranan

### PRINCIPE BERNHARD PA ARUBA

**DEN HAAG, 20 sept. —** Principe Bernhard lo yega Aruba dia 10 di december pa inaugura e fabricacion quimico.

Na december e principe lo haci un viahe pa America y lo interumpi esaki pa e inauguracion na Aruba.

### LIONS TA TENE REUNION DI ZONA DEN „OLDE MOLEN”

**ORANJESTAD, 20 sept. —** Dia 29 di e luna aki Lions Club Antillano lo tene nan reunion di zona na Aruba. Presidente di zona, sr. Max Arends a planea pa tene e reunion den „De Olde Molen” na Palm Beach. Pa esaki lo bin for di Corsow e.o. vice-gobernador di distrito Pancho Devalle tambe e presidente y secretario. For di Bonaire lo bini gradias na e cooperacion di Aruba Flying Club, presidente y secretario di e club aki na Bonaire pa asisti na e reunion den „De Olde Molen”.

# PROME ATROBE CU MODELONAN 1964

- CHRYSLER
- DODGE
- DART
- PLYMOUTH
- VALIANT



Ariba e portret aki nos ta mira e donjo afortunado di e promer PLYMOUTH 1964 (2-door) sr. EUGENIO PAESH.

**SEMPER PROME — SEMPER DILANTI DEN ESTILO Y CALIDAD**  
**RESERVA DI BO AWOR!**  
**VIANA AUTO SUPPLY CO. INC. — TEL. 5120-5121**




## PRESENTACION FRED MULLER 11 DI OKTOBER

ORANJESTAD, 20 Sept. — E orkesta di Fred Muller, cu ta un grupo di musica cu ta toca saxofon, clarinet y flut. Stanley La Cruz di Sensacion Musical cu ta tocado di drum; Fred Brown na contrabajo; Simeon Bryan na contrabajo; Gene Ringeling manager di e orkesta cu ta toca saxofon, clarinet, guitarra y banjo; A. de Graaf na trompet; Chacha na trombon; Carlos Sommersol drums y Rafael Rosario como violista. Como huespitan lo actua den e orkesta dia 11 e trompetista Oscar Sieba y e cantante Pearl Cromarty.

E miembronan di e orkesta ta algun di e mihor musicianenan di algun conchito conchito. Ta Carl Hix di Sonora del Caribe, kende ta toca clarinet, saxofon, contrabajo y sousafoon; Hector Hasham di e mes un conchito, cu ta toca trompet; T. Nijelsson di Caribbean Ambassadors, cu ta toca saxofon y clarinet; e dirigente Fred Muller kende antes tabata toca den e orkesta di hotel y ta toca saxofon, clarinet y flut. Stanley La Cruz di Sensacion Musical cu ta tocado di drum; Fred Brown na contrabajo; Simeon Bryan na contrabajo; Gene Ringeling manager di e orkesta cu ta toca saxofon, clarinet, guitarra y banjo; A. de Graaf na trompet; Chacha na trombon; Carlos Sommersol drums y Rafael Rosario como violista. Como huespitan lo actua den e orkesta dia 11 e trompetista Oscar Sieba y e cantante Pearl Cromarty.

# Voor alles wat schoon moet is er LUX VLOEIBAAR

Moderne Lux Vloeibaar, Uw beste en Uw prettigste hulp. Lux Vloeibaar is krachtig, en zo zuinig: U hebt maar een paar druppels nodig voor een schuimend sop. En Lux doet zoveel voor U. Uw afwas wordt sprankelend schoon, in een wip. De fijne was - nylon, wol en zijde - 't komt alles fris - geurend uit het veilige, milde Lux-sop. En Lux maakt ook verfwerk, tegels, ramen en vloeren stralend schoon. Handig! Dat is Lux Vloeibaar.



### Snel

Vet en vuil verdwijnen vliegenvlug

### Zuinig

Met 2x knippen maakt U een schuimend sop vol waskracht - 1 fles LUX is ruim voldoende voor 100x afwassen.

### Zacht

LUX VLOEIBAAR geeft U een sop vol zachtheid. Daarin zijn Uw handen veilig.

### Handig

LUX VLOEIBAAR in de plastic fles staat klaar voor al Uw schoonmaakwerkjes.

HAAL VANDAAG NOG ZO'N FLES LUX VLOEIBAAR

## CISCO KID presenta pa cortesia di ARUBA BOTTLING COMPANY NESBITTS den varios sabor, e refresconan mas pidi y mas gusta na Aruba.

1. Hefe mi ta sigur cu bo hendenan lo sigui bo awor na paz y... Tabata un tragedia, Cisco amigo...  
2. Algo terbel a pasa Chico, e mihor koki di ehercio. Mi Dios! Nan a heride? Nan a ma...?  
3. No, pero nan a kima su cushina... y tur e cuminda a bai perdi.  
O... Panchito!



## EPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.



# YABI

## pa bo exito

Avisa den ARUBAANSE COURANT y compara e resultado

### VERF MARCA ROMART

INTERIOR — EXTERIOR  
ROMART TA UN VERF MODERNO, CUIDADOSAMENTE MEXICA PA PINTA E SUPERFICIE COMPLETO.

1 galon f. 5.10  
1/4 galon f. 2.25

Tambe tin tur sorto di KWASHI. Obtenible na:

## Panama Store

### OFICINA MARITIMA DE ARUBA

Tel.: 2664 - 1622

Formularios aduanas pa importacion y exportacion di mercancías.

### NAN A JEGA TROBE!!!

- \* RAILS DI NYLON PA CORTINA COMPLETO CU RUNNERS, Y STOP.
- \* TAMBE CORTINA DI BAMBOE

## MESKER ARUBA N.V.

### NOBO NOBO NOBO NASSAUSTRAT No. 34

Nos a cuba di habri un coleccion precioso di PIQUE, cu bunita disenjos, tambe algo henteramente nobo Katunadrip-Dry; Katuna Polished y Katuna Satin, tambe e famoso seda JESTRON, cu no ta machica y cu ta laba keda bon. Tambe nobo Flax-Linnen for di Belgica, cu no ta machica, den tur sorto di color especialmente pa bistr di sport.

### 24 SEPTEMBER DIA DI ENSENYANZA

ORANJESTAD, 20 sept. — Door di e unionnan di maestronan di school di Aruba conchito, esta R. K. Onderwijzersvereniging „St. Josef“, -Arubianse Onderwijs Bond y Vereniging voor Protestant Christelijk Onderwijs bp Aruba, e anja aki tambe un dia di ensenyanza ta worde organisa. Esaki ta worde teni dia 28 di september venidero den Centro Cultural. E programa di mainta ta eumina cu un patabra di bon bini di senyor J. P. Frouwe, presidente di Pro-cova, un expose door di prof. dr. F. W. Prins, cu ta duna les na Economische Hogeschool di Rotterdam. E objeto di su lectrura lo ta „Seguridad y inseguridad den educacion“. Despues di intermedio e profesor lo duna contesta ariba e preguntanan cu worde haci na dje en coneccion cu su lectrura. Merdia senyor A. Derksen ta tene un lectrura ariba „Difficultadnan cu e Orff-Instrumentarium“. Como e ultimo punto ariba e programa di dia di ensenyanza nos a hania e comedia „De Regenmaker“ enal pa di promer biaha lo worde presenta e anochi ey den Centro Cultural.

### always fresh BAKED TREATS always good

## APERTURA OFICIAL DI BABY BAKERY

Pos Chiquito 66  
DIASABRA, dia 21 di september pa 3'or p.m.

director-propietario  
E. van der LINDEN

pa haci bo jardin bunita, y aumenta balor di bo cas... nos tin SKOP, FORKI, HALADO, CHAPI, etc. tambe gran surtido di SIMINJA PA FLOR, BERDURA Y JERBA.

## ACME STORE

— TEL. 5381 - 5384.

### ROSICRUCIANS TA RECORDA CONSTRUCCION PYRAMIDA GRANDI

ORANJESTAD - 20 sept. — Durante e otonio Equinox, na luna di september, ora cu solo ta cruza equator celestial den su ruta elyptico, tur Rosicrucians na mundo ta recorda e construcion di e Piramida Grandi di Egipto. Senyor H. B. Hopmans, Master di e Rosicrucians local (ARUBA CHAPTER) a declara cu tur e Rosicrucians si e orde philosophico aki lo bin hunto dia 22 di september pa ripiti na un manera simbolico e construcion di e Piramida granda.

Segun e tradicion di Rosicrucians, senyor Hopmans a declara cu e construcion di e Piramida di Cheops na Egipto a eumina mas o menos 4000 anja prome cu Cristo durante otonio di Equinox. Contrario di e pyramidanen cu a worde construi e tempo ey e pyramida aki no tabata e lugar di entierro di un pharao orgulloso, pero un tempel di ensenyanza. Pa e construi e pyramida aki ta worde bisa, cu tur e sabidurian di e tempo ey tabata necesario. E construcion tabata existi e dominio di matematis, fisica y un comprendemento bastante di e basenan di astronomia manera cu e ta worde reconoci awendia.

Como cu ta worde bisa cu Rosicrucians ta sigui nan euminsamento tradicional te na pharao Amenhotep IV na 1350 prome cu Cristo kende historicamente tabata e prome personalidad grandi nan ta recorda nan fundacion cu un construcion ritualico di e pyramida miniatura. E ponemento di cada piedra ta representa pa nan loke e orde a logra cada anja di su existencia ariba tereno cultural. E top lo worde poni en futuro ariba un pyramida miniatura ora cu e idealnan di e Rosicrucians worde realisa. E conmemoracion lo tuma lugar dia 29 di september pa cine'or di atardi na San Nicolas, Bernhardstraat 320. Publico por bishita e ritual aki libremente.

### BISTIR DI BRUID

...drenta y selecta e modelo di bo sonjo... pa e dia mas feliz den bo bida.

Un bunita matrimonio ta cuminsa na LA LINDA

### PROGRAMA DI MALCOLM FRAGER

ORANJESTAD, 20 Sept. — Dia 25 di luna aki e famoso hoben pianista Mericano Malcolm Frager lo duna un presentacion den Centro Cultural. Frager cu na anja 1960 a gana e prome premio di 3.000 dollar den e concurso internacional di piano di Reina Elisabeth di Belgica y cu a worde describi pa Time Magazine como „Grand Slam of the Grand“ tin como presentacionnan principal ariba su programa Chopin. E programa ta como lo siguiente:

- 1) Toccata den G minor (L. S. Bach).
- 2) Sonata den E flat major (1780; J. Haydn) a allegro moderato, b allegro e Finale; allegro.
- 3) Etude No. 6, den E flat minor opus 43, Tarantelle den A flat major opus 43, 5 Polonaise No. 12 den G Sharp minor opus posthumous, 6. Scherzo Nolden B minor opus 20, (tur esakinan di Fr. Chopin).

Despues di intermedio ta sigui 7. Sonata No. 6 opus 82 (S. Porgoroff).

Malcolm Frager ta gran amigo di e hoben pianista Rusiano Vladimir Ashkenazy, cu kende el a duna un nunita concierto euminsamento di e anja aki na Moscu.

### Continental Tyres

Among the Best

Be sure of perfect reaction, superior comfort and high mileage.

L. & G. MARTIJN (ARUBA) LTD

## BO HOROSCOPO PERSONAL

ARIES 21 Maart — 20 April

Awe bo tin suerte den biahnan chikito y transaccionnan importante. bai cu tacto cu personanan criticos.

TAURUS 21 April — 20 Mei

Pase cu bo tin poco suerte pa solucionacion problema y hania placa awe mainta. Tene cuidao cu errornan den asuntunan di placa.

GEMINI 21 Mei — 20 Juni

Bo lo por influencia amigunan y extendende e circulo di amistades. Evita discusionnan y campeonan, pero diverti anochi.

CANCER 21 Juni — 22 Juli

Paga tino cu bo tendencia pa papia dimas awe mainta. por resulta facilmente un pleitu cu hendenan rond di bo.

LEO 23 Juli — 22 Augustus

Probablemente bo lo perde hopi tempo cu hendenan conoci. Paga tino cu impresionnan falsu den contacto cu otronan.

VIRGO 23 Augustus — 22 September

Bo amigunan lo ta di bon humor awe mainta. Adelanta bo interesnan di trabao, pero no causa pleitu of critico den atardi.

LIBRA 23 September — 22 Oktober

Pase cu bo socionan ta duna bo hopi apoyo y nan decisionnan lo duna bo ventaha. Tene cuidao despues di atardi.

SCORPIO 23 Oktober — 22 November

Bo lo por cobra bo debenan of hania ventahanan financiero door di otronan awe mainta. Controla noticiannan cu bo ta ricibi bon.

SAGITARIUS 23 November — 21 December

Usa awe mainta pa establece un mehor comprension entre abo y sernan queri. Tene cuidao despues pa no comete errornan.

CAPRICORNUS 22 December — 19 Januari

Awe mainta lo bo tin hopi suerte den bo trabao y bo salud por bai dilanti hasta bo concentra. Evita redunan.

ACUARIUS 20 Januari — 18 Februari

Cuminsa tempran pa logra realiza bo deseeonan awe. Con ta sernan queri di bo ideanan y tene un vista riba bo gastonan.

PISCES 19 Februari — 20 Maart

Desarrollonan favorable lo tuma lugar awe na bo cas of na oficina. Acepta e chensnan cu ta presenta y evita desunian mas despues.

## DEMOSTRACION NA KOEALA LOEMPOER

PENANG, 20 Sept. — Den parti noord di Malakka, Maleislanonan a haci un atake awe riba cas di e consul Indones. E cas di e consul, kende no tabata na cas, tabata bao di vigilancia di polis. E polisnan a laga e demonstranten hisa e bandera di Maleislan kitan e escudo di Indonesia. Un intento di e demonstranten pa penetra den e cas a worde evita pa polis.

### LONG LASTING QUALITY PAINT

PROTECTS WHILE IT BEAUTIFIES

## SAPOLIN - housepaint & WOOLSEY - marinepaint

Also for paint-brushes in all sizes the best address is

## ARUBA HARDWARE C.V.

(Brenchi)



● **Agente: E. F. DEBROT INC. - Nassaustraat 98 - Tel. 1040**





Na Birmingham (Alabama) tabatin irregularidadnan serio a consecuencia di demostracionnan contra separacion racial. E inquietud a cuminsa ora cu gobernador Wallace a dicidi pa sera algun school. Aki ariba un mucha muher a ser herida durante demostracionnan. E ta worde juda pa un amigo y un polis.

## PETICION PA EXPULSA SUR AFRICA FOR DI N.U.

NEW YORK, 19 sept. — E comision especial di Nacionnan Uni tocante apartheid a haci un peticion na e asamblea general y congreso di seguridad di Nacionnan Uni pa considera expulsion di Sur Africa for di e organizacion. Tambe mester worde considera un prohibicion bou di auspicio di Nacionnan Uni pa entrega di arma y petroleo na e pais ey.

E comision den cual diez pais ta representa, ta pidi tambe pa stop emigracion pa Sur Africa y stop inversion di exterior den e pais y no duna mas prestamo na e pais ey. E comision ta di opinion cu e situacionnan nobo den e pais ta existi medidanan nobo di accion. E comision di Nacionnan Uni ta pidi tambe un suspension di e derecho di veto di Nacionnan Uni pa e pais ey. E comision ta insisti pa e paisnan cu

ta pega cu Sur Africa, duna asilo na refugiadonan for di Sur Africa cu ta hui di nan pais pa motibu di e politica di apartheid. Secretario general U Thant mester peca cu e refugiadonan ey a hantia yudanza tambe serca e organonnan internacional adecua.

### CONDICIONNAN DI TRABOU NA BELGICA

BRUSSEL, 19 Sept. — E exigencia general di e federacion socialista di trabao na Belgica pa un vacation anual di tres siman, suspension di e acuerdo colectivo di trabao di e trahadornan asocia na e federacion ey y walganan den industria di zapato den haafnan di e pais, ta indica riba un tension aumenta na e frontera social na Belgica.

E exigencianan di e ohreronan socialista den construcion ta bai mas leu cu solamente un aumento y ta dirigi riba un reforma completo di trabao den e industria di construcion.

### ASAMBLEA DI NACIONNAN UNI

NACIONNAN UNI, 20 Sept. — Premier Lester Pearson di Canada a observa awe den e prome dia di e debat den Asamblea di Nacionnan Uni tocante situacion internacional, cu e elma internacional ta mucho mas miho cu na fin di e sesion pas.

El a haci un yamamentu riba e miembronan pa utiliza e bon oportunidad aki pa tuma decisionnan na interes di paz. Pearson a propone pa tuma decisionnan na interes di paz. Pearson a propone pa aumenta e capacidad di Nacionnan Uni pa mantene paz. E miembronan lo mester destina unidatnan militar cu pronto lo por drenta servicio di Nacionnan Uni.

Consejo di Seguridad y e Consejo Economico y Social mester worde engrandec. Consejo di Seguridad lo mester ta en sesion practicamente henter anja. Asina e premier a bisa.

### BOEDHISTA A SCRIBI CARTA CU SANGER

PARIS, 19 Sept. — Un budista prominente a scrabi awe den capital Frances un carta na secretario general U Thant cu su propio sanger, den cual e ta protesta contra medidanan anti budista na Zuid Vietnam. E homber cu a haci esaki tabata profesor Nguyen Than Thai, Secretario General dje organizacion Mundial di budistanan, den bis'a di demostracionnan, periodista y fotografonan el a scherf su pecho habri y a scrabi cu e sanger cu ta sali for dje esaki e carta den cual e ta exige condenacion incondicional di violacion di derecho humano na Zuid Vietnam.

### DEAN RUSK TA AVISA CONTRA COMUNISMO

WASHINGTON, 19 sept. — Minister Mericano di Asuntunan Exterior Dean Rusk, a bisa na un conferencia di negociacionnan tocante exportacion, cu occident mester ta alerta, apesar dje speranza riba un bahamentu dje tension internacional despues di realisacion dje acuerdo nuclear limita.


El a bisa, cu maske Union Sovietica y China comunista tin diferencia di opinion tocante e velocidad, y e manera cu nan mester realisa revolucion comunista nan por junta ambos su politica den tres palabran: „Yanks go home“. „Y ora cu nos bolbe cu e comunistanan ta cuminsa tuma poder,“ asina el a agrega. E economisacion cu camara di delegadonan a tresa algun dia pasa den programan pa ayudo na stranheria, lo causa verdadero preocupacion. Nan mester limita e ora ey ayudo na un cantidad di paisnan cu un posicion clave na e frontera zuid dje territorio Chines-Ruso di frontera.

Minister Rusk a bisa tambe, cu lo ta un locura, pa coopera huntu cu e comunistanan door di rebaha e gastonan Mericano den stranheria pa defensa y ayudo pa exterior.

E deficit riba balansa di pago mester disparee principalmente door di expansion di exportacion. E actual volumen di exportacion di 21 milliard dollar mester bira por lo menos 10 por ciento mas grandi, segun minister Mericano Rusk.

### SATELITE TIROS UN ANJA ROND DI MUNDO

WASHINGTON, 19 Sept. — E satelite Mericano di weer „Tiro 6“ lo cumpli mayan un anja cu el a draai rond di mundo, den cual el a fotografia tur cos, for tormentanan di santu na Saeedi Arabia te ijs na Zuidpool. Esaki a duna 58.000 foto uil — mas o menos 10.000 mas cu e record di „Tiro 5“ — di cua servicio meteorologico a usa un gran parti pa su rapportnan diario. Dia 31 di juli Tiro 6 a descubri Arlene, e prome orcan di 1963, cu eua e satelite como profeia cu ta pronostica catastrofe, a tresa dos orcan, dos tormenta tropical y ocho tornado riba su nomber.



Na Lake China na California (USA) e pruebanan pa e proyecto Gemini, e vuelo dobbel den espacio di Merca ta continua. Actualmente nan ta trahando riba e manera cu e astronautan por sali for di e nave espacial, usando un modelo di e capsula. Aki un popchi bisti manera un astronauta ta baha den e capsula pa sali poco ratu despues cu enorme velocidad.



E restonan mortal di e Ingles Guy Burgess a worde kima na Moscu. Burgess a hui na anja 1951 cu su colega Donald MacClean pa Union Sovietica. Riba e portret nos ta mira d.r.p.d. e ruman homber di e fallecido, Nigel Burgess, senjora Melina MacClean, Donald MacClean y e ama di cas di Burgess.

### CORANTNAN FRANCES NA ARGELIA A WORDE NACIONALISA

ARGEL, 19 Sept. Na Argelia tres corant, cu ta worde edita pa Francesnan, a hantia e worde nacionaliza. Ta trata di e corantin „La Depeche Algerie“, „L'Echo D'Or“ y „La Depeche D'Constantine“.

E prome corant ta esun cu tin e circulacion di mas grandi na Argelia y tabata propiedad di e Frances Laurent Schiaffino. Nacionalizacion di e corantin a worde anuncia via di Radio Argel door di Ben Alla, miembro di e oficina politica di e Frente nacional di Liberation.

### HAPON TA BAI ENTREGA AVIONNAN LIHE NA MERCA

TOKIO, 19 sept. — E companianan Hapones di avion „Sjin Misobisji“ a participa, cu den e proximo cinco anjanan e lo entrega 200 avion di e tipo Moe-2 na Merca.

Moe-2 ta un avion cu ta usa propeller y turbina cu dos motor y ta ofrece asiento na shete pasahero, recientemente e avionnan aki a hantia exitoso vuelonan di prueba.

### KENNEDY TA PIDI YUDANZA

WASHINGTON, 20 Sept. — Ajea noch president Kennedy a pidi na radio y television pa apoya su programa pa rehato di helasting, cu o tro siman lo worde trata den Camara di Diputado y pa ratificacion di e acuerdo nuclear pa stop pruebanan nuclear parcialmente door di Senado. Mi no ta duda, cu e acuerdo nuclear lo worde acepta door di Senado cu un mayoria asina aplastante, cu lo demostra mundu, cu pueblo Mericano kier solamente paz.

### EMBAJADA INGLES NA DJAKARTA A WORDE SAQUEA

DJAKARTA, 19 sept. — Mas o menos mil demostrante a ataca e embajada di Inglaterra y a saquea e edificio. Sels vehiculo di e edificio a worde sende na candela. Bou di gritamentu di palabranan malu contra e hoben federacion di estadonan Maleisia e demonstrantenan Indones a saca e documentonan for di den archivonan di e embajada y a benta nan den cura.

Entre tantu polis y militar nan tabata protega e personal di embajada. E demonstrantenan a camina den optochi bai na e edificio di e embajada, unda ayera ya nan a quibra practicamente tur bentana di glas. E diferente militar nan Indones cu tabatin tarea di percura pa orden no a hantia nada. Circulonnan diplomatico na Singapore ta bisa cu nan a haya noticia di e embajada di Inglaterra na Djakarta cu e edificio a worde sende na candela y cu e personal ta bandonando e edificio. E circulonnan Ingles menciona ta bisa cu situacion na Djakarta ta masha serio.

Den e ultimo noticiacionan ricibi di circulonnan diplomatico na Singapore for di Djakarta ta worde anuncia cu e edificio di e embajada na Djakarta ta quimando manera un flambeu. Algun mil demostrante a reuni rond di e edificio di embajada.

Segun e circulonnan ey no tin noticiacion cu ta muestra cu autoridadan ta haci esfuerso pa paga e candela.

### INTRANQUILIDAD NA TSJAAD

FORT LAMY, 19 sept. — Den e republica Africano Tsjaad a worde proclama un prohibicion pa sali y exercicio den estado di alarma, despues cu bringamentunan entre demostrante y soldanan a causa cu diferente persona a worde herida. E demonstrantenan parece a protesta contra arestacion di e ex minister di Exterior di Tsjaad.

President Francois Tombalbaye di e republica a proclama despues estado di emergencia. E president a declara den un discurso na radio cu tres homber cu a dirigi e irregularidadnan a hui.

Cincu politico prominente a worde aresta riba acusacion di actividadnan destructivo. Dos di nan a worde condena na juli na castigu di morto, mientras cu e tres otro nan a haya castigu di morto. Segun president Tombalbaye nan quier a lanta principalmente e mahometanan den parti noord di e republica contra e habitantenan, den parti zuid di e republica y pone un gobierno di probachadornan na poder.

### INTEGRACION RACIAL NA MERCA

NEW YORK, 20 Sept. — Dos co-fundador hende color seur na Merca, e eseritor James Baldwin y un di e principal organizadornan di e marcha pa Washington, Bayard Rustin, a pidi president Kennedy pa interviene na Alabama. Si e poder di gobernador Wallace no worde kibra, lo cuminsa un revolucion na Alabama, cu lo tin influencia riba henter nacion Mericano.

Den e principal ciudadnan Mericano lo tin demostracionnan di protest diadomingo awor contra e asesinato di e cuater mucha muhenan color seur cu a muri a consecuencia di un explosion di hom den un misa na Birmingham; ademais lo worde recorda cu cien anja pasa president Abraham Lincoln a firma e acuerdo, cu catibunan ta liber.

Rustin a bisa cu e diez organizacionnan cu a organiza e marcha na Washington, lo dirigi e demostracionnan di diadomingo awor tambe.

### YOBIDA FUERTE RIBA ALICANTE

ALICANTE, 19 Sept. — E ciudad Alicante y su vecindario na Spanja a worde azota pa un terrible yobida. Segun e prome noticiacionan ta sona a muri, mientras cu probablemente hopi otro, entre cual algun turista di exterior ta worde nort. E yobida, esun di mas terrible den historia di e ciudad, a pone awanan corre masha duru door di e cayanan di e ciudad.

Den e aldea den sercania, Albufera diferente auto y caravana a worde lastra pa e awa te den lama. Segun e agencia Spanjo di prensa „Cifra“ un auto cu turistanan esranhero a worde „guli“ pa e awa.

### PAMFLET CONTRA ULBRICHT NA ALEMANIA OOST

BERLIN, 20 Sept. — Segun e oficina anti-comunista di informacion na West Berlin a participa, nan a hantia pamfletnan na Alemania Oost, den cual ta para cu e lider di estado y partido na Alemania Oost, Walter Ulbricht lo worde ataca.

Un oficial Polaco a hantia e pamfletnan, mientras cu e tabata na caminda pa manobranan, cu tabata worde tene door di unidatnan di e paisnan di e pacto di Warsaw. E oficina di noticia no por a duna informacion tocante contenido di e pamfletnan.

### PRESUPUESTO DI GABINETE DI VICE MINISTER PRESIDENT

DEN HAAG, 20 Sept. — Presupuesto 1964 dje gabinete di vice-minister president ta calcula de servicio ordinario 19.9 million florin y pa servicio extraordinario 10.5 million florin Hulandes.

Minister Biesheuvel a scrabi den memorie di informacion entre otro, cu e congreso industrial pa establecimiento di industria na Antillas y Surinam ta trata actualmente pa cera un arreglo separa di garantia en relacion cu Reinado pa risiconan no comercial di empresanan industrial Hulandes.

E comision di EEG, a studia algun proyecto mientras nan ta soera un acuerdo di asociacion pa Antillas Hulandes. E garantia pa e fianza grandi di 38 million florin cu 4.5 por ciento paga den 20 anja di Antillas sera na anja 1955 no tabatin mester di drenta den vigor.

E plan di tres anja pa Bonaire y Istanan Ariba a termina. Door di esaki nan por a calcula na e tal trahao aki actualmente 30.7 million contra 37.8 million na anja 1963.

Tambe nan a propone pa aumenta e subsidio general cu nan ta duna Sticusa en bista di 1963, cu 100.000 florin.

Pa un subsidio pe comision di estudio pa Antillas Hulandes nan a pidi un suma di 15.000 florin.

### E QUINTUPLET MERICANO A HANJA NOMBER AWOR

ABERDEEN, 19 sept. — E quintuplet cu diasabra a nace na Aberdeen den e estado Mericano Sur Dakota a haya nomber awor. Dia cu nan a worde bautisa e cuater mucha muhenan tur a haya e nomber Mary y e mucha homber James Andrew. E mucha muhernan ta yama awor, Mary Ann, Mary Magdalena, Mary Catherine y Mary Margaret.



Den e ciudad Manchester na Inglaterra nan a tene un exposicion di alimento. Aki Yvonne Moris di Den Haag a percura pa un portret bunita den kostuum nacional saca den e stand di pollitonan di un dia di Hulanda.

### POSTKANTOOR ORANJESTAD

Lista di cortanan cu no por a worde entrega

- A. Joao Correia de Andrade
- B. C. J. Braaf; L. van de Beek; Min-sieur Henri Beitelot.
- C. Miguel Angel Croez; E. P. Croez; Miss C. Croez; Helen de Cuba; Pedro Croez; Emiliano Croez; Curacaoe Dok. Mij. N.V.
- D. Frieda Darney; Delta van Delden.
- E. Falcon Ford; Enselbus Fallin (Aang.).
- G. Kees Haanefraag; Sra. Dalmacia Geerman; Raymundo Geerman (Aang.); Ronald Gomez; Paulette G'illen; Viera R. Garcias.
- H. Petrus Hui; Florette Humphrey.
- J. Eltrude Julien (3); George Nathaniel Jones (Aang.) (2); St. George John.
- K. Faundo Louis Koelman (Aang.); Ria Kock; Dolores Kock; Pieter Kulma; Yolanda Kelly.
- L. Albertina Loney; Sra. Lejeuz; Eric en Mito Lacle.
- M. N. Merced; Maria Maduro; Efigenio Maduro; Maria de Maduro; Rodolp T. Michael; Martha Maduro; Juan Mathilda; Ignacio Mutiolla; Mej. Jacinto Macoune.
- N. N. Noord; Pedro Jaar Nasser (Aang.).
- O. Sehoritas Omira Aurin y Lenny.
- P. Edith Piebier; Imelda de Palm; Jim Priest; Charles L. Ponson (Aang.).
- R. Mildred Richardson; Luis Rodriguez (2); Ing. Rafael Diaz Rosete; Willem Johan Rustenberg (Aang.).
- S. Martha Sanchez; Joao da Silva e Suissa; Stella St. Jago.
- T. P. Nic J. Treijtel; Helena Tromp; Rafael Sierra Tovar.
- V. Jan A. de Vries.
- W. Lorenzo D. Webb; E. F. Wolf; Richard Weise; Juan Werleman.

### DEMOSTRACION ANTI-INDONESIA

KOEALA LOEMPOER, 20 sept. — Demonstrantenan na Koela Loempoer, capital di Malakka, cu a ocupa e habitacion di e embajador Indones na Malakka, despues a laga tres miembro di e personal di e embajada cu nan tabatin presu, sail liber ora cu premier Rachman mes a interviene den e asunto.

E premier a papia algun tempu cu e demonstrantenan, cu a menasa di sende e edificionan y nan presunan na candela. Despues di e combersacion di e premier cu e demonstrantenan nan a laga e tres Indonesian bai. Si nan a pega un portret di Soekarno na candela.

Duncan Sandys, minister Ingles di colonia, quende tabatin un gran parti den realisacion di e federacion di Maleisia, a declara prome cu su salida pa Londen cu e tension entre e federacion y su binjanan ta solamente temporalmente.

Premier Ikeda di Hapon a bisa, cu su gobierno ta dispuesto pa interviene den e conflicto rond di e federacion Maleisia, basta cu e paisnan en kestion haci un peticion pa esey.

Premier Ikeda, quende pronto lo bai un gira den zuidoost Asia a bisa cu e viaje ey, durante cual e lo bisita entre otro Indonesia, Filipinas y Australia. No tin nada di haci cu e kestion Maleisia ya cu e tabata planea mucho mas prome cu e asunto ey a cuminsa.

BUCHI ROBEZ

presenta pa cortesia di REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas

